

緒餘吟

高田八朶

昭和九年八月十一日

寄加藤朝島氏之病牀 二首

聞說君今臥病身。藥爐經卷合傷神。偏希二豎爲攘斥。又作悠悠自適人。
維摩示疾臥其身。方丈閒閒可養神。也識心通元自在。比來天地一行人。

小川五江曰、筆致恬淡、真情發露、非苟作者、

佛教會創立總會發會式參列恭賦

巍然卓立海東宗。銀雪紫雲無比容。嶽下教徒何以集。一齊欽仰是斯峰。

十一月十三日

次清水古梅恩師見似高韻却寄呈

飄車乘曉出都門。路對芙蓉心漸溫。目擊破顏何所語。靈犀一點道相存。

二

濕氣爽而暄。白黃菊掩門。師資迭青眼。主賓對金樽。
雲子璧書麗。先生慈誨溫。高談何韻傷。法義具評論。

三

人間失意請休嗟。明哲由來群小遮。學問文章俱絕代。辯論况復別成家。

次深川觀察上人高韻寄呈清水先生

斯言不墮是人存。正舉扶宗討道源。艱險寧辭丈夫志。中流砥柱在吾門。

十一月

明治節

翻秋紅旭麗千門。黃菊傲霜村一村。敢道時艱難可救。偏欽聖德遍乾坤。

上村實劍曰、格調已高、風致亦饒、

呈古梅無邊兩匠 次韻

散文仍韻傷。照眼似花紅。心與玉川列。才兼松尾豐。

舌鋒三寸外。信火五玄中。邊子將梅老。依稀親上風。

次香南老詩宗高韻却呈

桃李依然滿一門。平生侃諤凜高論。峽中久聽翁名姓。奇骨稜稜真獨尊。

十二月

鈴木宗忠博士過廬有詩次韻

客來自遠笑相迎。昕夕清談足寵榮。一任天寒梅未發。頗知和氣座間生。
留得佳賓值歲新。詩雲墨雨好相親。瓶梅的皜欺星白。八朶山房一朵春。

賈劍曰、娟秀研雅、三四措辭太巧、

次韻鈴木博士岳南清遊詩卻呈

眞隱由來不願知。龍鍾五十背襟期。緒餘韻事雖相慰。傳統宗風奈其危。感到深邊欲無淚。喜於窮處更生悲。君詩一再爲吟誦。忘却西窓斜日移。

五江曰、信手拈出、衷心殊切悃、不見斧鑿痕

原唱

胸中苦悶有誰知。五十人生反所期。少壯夙希天下器。老來猶慨國家危。多年研學身無益。分外聖恩心覺悲。幾欲得閒閒未得。靈峰山麓日忘移。

五江曰、筆意遒勁、情景兼有、亦老鍊之作也、

古梅曰、同感、又曰、眞個學者之感慨、叙來而

無餘蘊矣、

清水先生次韻

敢向今人求已知。此心固與古賢期。佛將大法付吾輩。祖把宗門授阿誰。學問眞成貧亦樂。名場至竟喜還悲。眼前事實明於火。不待蓋棺論定移。

五江曰、方今澆風日扇、淳源日散、此篇決意

爲有道者之歸、可謂練達也、

昭和十年二月

紀元節恭賦

紀元嘉節旭旂斜。草木山河祥瑞加。眞個金甌長不缺。居然大國仰光華。

五江曰、典重雍和、絕好頌詞、

賀飯沼龍遠師母堂八十八

東風八十八回春。萱向北堂祥氣新。自是君家多壽福。
池邊仙鶴步隨人。

千溪曰、祥氣繚繞筆端、

清兮日鑑上人第五十回忌奠修 次韻

學德人天仰。遺芳遐代垂。政公殂。頤歲。延嶺有清詩。

壽詮院日勇上人第七回忌賦奠

兔走烏飛瞥眼遷。春風秋雨七周年。回頭望斷棲真處。
涕淚成行湧自泉。

一去春風已七年。梅花清絕獨依然。今朝遙向湘南拜。
石上何時了勝緣。

千溪曰、不著哀語、真個僧伽之詩、

善行院第廿三回忌賦奠

二十三年一夢遄。吳蒙碌碌足長嗟。追尋孟母三遷昔。
腸斷夢香邱上家。

賣劍曰、俯仰今昔、悲惋無限、

三月

輓容江中野日燦文和院上人廿三日寂

志在斯文亦足宗。胡爲使我痛心胸。溫乎富岳依然在。
不見老師如玉容。

慈簡昨傳清麗詞。悲風忽地此心疑。法林寂寞春如夢。
何以皇天奪我師。

賣劍曰、二首如怨如慕、是血性所發、後首尤優、

賀小澤星潭詩盟邀曆

栖碧悠悠六十春。玉溪終古映簾新。風流三昧詩生活。
仍是蓮華妙好人。

賣劍曰、語不浮泛、亦能脫壽詩窠臼、

次韻玉溪山主小澤星潭詩盟自壽詩賀其周甲初度

周甲正逢初度年。詩成恰好調偏圓。道心已參真如諦。
俗慮全消上乘禪。隔樹溪聲受于玉。傍階雲影澹於仙。
爲君且致南山壽。物外優游夙有緣。

賣劍曰、刻意鍛鍊、氣局寬然、詩亦得上乘禪者、

綠陰著話

滿地青苔塵不侵。綠陰如水愜詩心。迎來同調閒移鼎。
茶味深於道味深。閒卻紛紛世事煩。松濤湧處話黃昏。人生樂土誰言遠。
一啜茗中吾道存。

賈劍曰、二首自然流出、亦自見身分、

博山農々待知音。遠至伯牙仍會心。休說春宵花月值。
綠陰茗話亦千金。綠樹重陰苔氣薰。一禽飛去恰斜曛。主賓無語詩三昧。
唯有茶烟淡似雲。

次古梅老師芳泉莊綠陰著話高韻

綠陰幽砌鬱青苔。雲外鵲呼蛙雨來。幾椀清茶吟興勃。
七花八裂膽肝推。芳泉滌々碧溪間。莊聳嵐光翠色寰。詞客縱橫揮健筆。
向詩天欲築詩山。

全 次 韻

踟躕胡爲坐碧紗。清陰對見角巾斜。豆南堪浴芳泉館。

嶽北宜歌仙女家。浮世從來重冠帶。騷人畢竟在煙霞。
可知今日詞林侶。喫著悠悠弄物華。

五江曰、遺詞工緻、妮妮不窮、絕無痕迹、
最切于時地、

哭瘦竹上人(八月廿二日)
遷(化)

訃音到手不堪愁。奔哭芙蓉山下樓。形勝依然依舊好。
不知老衲那邊遊。

全次韻古梅老師詩

榮辱毀譽塵芥同。吟哦遺興不爭功。一朝鶴鶴那邊去。
髣髴音容夢寐中。

全

鶯峰曾督事。學苑幾經春。勳業凌名嶽。道風吹淨巾。
推稱蒙眷遇。恩愛似慈親。今日忽遷化。不知誰替人。

清水龍山學師再任立正大學長、有詩次韻

獅座高登何苦思。法門柱石闔宗知。死身弘法吾師在。
信念如燃定有爲。